



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მატარაძე (ფსევდ. ჩელთისპირელი) ვახტანგ ვიქტორის ძე



ვ. ვ. მატარაძე

მატარაძე (ფსევდ. ჩელთისპირელი) ვახტანგ ვიქტორის ძე (27. VII. 1908, თბილისი, – 8. XII. 1982, იქვე), მსახიობი და რეჟისორი. საქართველო. სახ. არტისტი (1968). სამსახიობო მოღვაწეობა დაიწყო ფოთის თეატრში (1924). 1932-მდე მუშაობდა თბილ. წითელი არმიის, ჭიათურის მუშათა, სიღნაღისა და ველისციხის თეატრებში.

1933-იდან თელავის თეატრის მსახიობია, 1943–46 – დირექტორი და დამდგმელი რეჟისორი. მისი შესრულებული როლებიდან აღსანიშნავია: კლავდიუსი (უ. შექსპირის „ჰამლეტი“), დე-სანტოსი (კ. გუცკოვის „ურიელ აკოსტა“), ოსმან-ალა (დ. ჭონქაძის „სურამის ციხე“), სევასტი (პ. კაკაბაძის „ყვარყვარე თუთაბერი“), ლევან ხიმშიაშვილი (დ. ერისთავის „სამშობლო“), ავეტიკა (ა. ცაგარლის „რაც გინახავს, ველარ ნახავ“), ანანია (ა. სუმბათაშვილის „ღალატი“) და სხვ. თელავის თეატრის სცენაზე დადგა სპექტაკლები: გ. მდივნის „ბრმა“ (1932), ა. ცაგარლის „ხანუმა“ (1933), კ. ბუაჩიძის „მკაცრი



ვ. ვ. მატარაძე – იაზონი. ევრიპიდეს „მედეა“ – თინა ბურბუთაშვილთან ერთად.

ქალიშვილები“ (1941), გ. ნახუცრიშვილის „აჩაკუნე“ (1942), დ. ერისთავის „სამშობლო“ (1943), ა. შირვანზადეს „პათიოსნებისთვის“ (1945) და სხვ.

მ-ის სცენური სახეები გამოირჩეოდა განცდის სიმართლესთან შერწყმული თეატრ. პათეტიკით, ხოლო რეალიზმი იყო მხატვრული ხერხი, რ-საც იყენებდა სარეჟისორო საქმიანობისას.
